



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. II. An, & quibus legibus obligentur infideles? amentes? pueri?

[urn:nbn:de:hbz:466:1-73031](#)

juris naturalis transgressio gravis, quod transgressio legis positivæ in subditis sit gravis; cum graviter necessarium ad finem juris positivi, possit esse necessarium solum leviter ad finem juris naturalis. Sic ad justas, & validas nuptias jure positivo graviter necessarius est defectus impedimenti nascentis ex jure solum positivo; jure autem naturali, nullatenus.

556. Instabis: ergo saltem Summus Pontifex ligabitur suis legibus Ecclesiasticis; patet illatum; nam Sacri Canones (quatenus eis derogatum non est per posteriores Canones, vel consuetudinem legitimam) ligant omnes Christianos, sed etiam ipse Summus Pontifex Christianus est; ergo. Et confirmatur ex c. 25. q. 1. c. 7. ubi Zosimus Papa ait: *contra statuta Patrum condere aliquid, vel mutare, nec hujus quidem Sedis potest autoritas.*

557. Ante resolut. not. statuta Patrum quædam esse de pertinentibus ad fidem Catholicam, vel continentibus jus naturale, aut divinum; & de his procedunt verba Zosimi; nec dubium est, illis etiam Summum Pontificem obligari; sic gloss. in cit. c. contra, V. eod. id, quod aperte etiam docet Urbanus Papa in c. sunt quidam, immediate præcedenti. Quædam vero continent solum ea, quæ nullo jure naturali, vel divino debita sunt, sed auctoritate solum humanæ præcepta, vel prohibita. Et in his dicendum, Summum Pontificem non obligari *quoad vim coactivam*, 25. q. 1. c. 16. vers. his ita: sed solum *directivam*, quæ est *decentia*; non *necessitatis*, ut patebit ex seqq. & quidem non *quoad vim coactivam*; quia nullum habet Superiorem, à quo justè cogi posset, utpote fungens eadem, vel etiam majori potestate Ecclesiasticā, quæ pollet quicunque aliis Superior Ecclesiasticus, c. 20. de Elect. ibi: *quamvis autem Canon Lateran. Concilii, ab Alexandro Prædecessore nostro editus, non legitimè genitos adeò persequeatur, quod electionem talium innuit, nullam esse; nobis tamen per eum adempta non fuit dispensandi facultas; & subjungit causam, quia Successoribus suis nullum potuit, hac in parte, prejudicium generare, pari post eum, immo eadem potestate functuris; cum non habeat imperium par in parem: nec etiam quoad vim directivam, quæ est necessitatis, nimis obligantis ad culpam; cum nulli*

humanæ potestati legislativæ in Ecclesiasticis, ac spiritualibus subdatur, utpote caput omnium Christianorum, non recognoscens in hisce causis Superiorum, ut constat ex cit. c. 20.

Ligatur tamen *quoad vim directivam*, 558. quæ est *decentia*, ac naturalis honestatis; tum ut caput conformetur membris, juxta c. 2. dist. 8. tum ut conditor legis exemplò suò subditos in ejus observantiam inducat, ut dicitur cit. vers. his ita; ibi: *Sacra sancta Romana Ecclesia jus, & auctoritatem, Sacris Canonibus, impertitur; sed non eis alligatur; & paulò post: ita ergo Canonibus auctoritatem praestat, ut se ipsam non subjiciat eis*; id, quod pluribus explicans Leo Papa III, in cit. 25. q. 1. c. 16. vers. his ita, ubi, sicut Christus, ait, qui legem dedit, ipsam legem carnaliter implavit octavâ die circumcisus &c. ut in se ipso eam sanctificaret: postea vero (ut se Dominum legis ostenderet) contra legis literam, leprosum tangendo mundavit &c. ita & summa Sedis Pontifices Canonibus sive à se, sive ab aliis suâ auctoritate conditis reverentiam exhibent; & eis se humiliando custodiunt, ut aliis observandos exhibeant; non nunquam vero seu jubendo, seu definiendo, seu aliter agendo, se decretorum Dominos, & conditores esse ostendunt, aliis imponendo necessitatem obsequendi; & ostendendo, sibi inesse auctoritatem observandi, ut à se tradita observando, aliis non contemnenda demonstrent.

Q. II.

An, & quibus legibus obligantur infideles? amentes? pueri?

Non est dubium, infideles obligari iure naturali, & divino; cum Deo, & rectæ rationi subdantur; quæstio autem de legibus Ecclesiasticis negativè resolvitur, cum sint extra Ecclesiam, & ex c. gaudemus; de divorciis, disertè constet, Ecclesiam in eos nullam habere jurisdictionem. Ex hoc sequitur, infideles jure naturali, & divino teneri ad media salutis necessaria non tantum necessitate medii; sed etiam præcepti divini, ubi debitam eorum notitiam, quæ sufficiat ad intimandam naturalis, aut divinae legis obligationem, acceperint; &, ubi dubium, vel scrupulus ali-

aliquis occurrerit, conandum, ut debitam eorum notitiam acquirant. Not. tamen, aliud esse, quod infideles non ligentur legibus Ecclesiasticis; aliud, quod defectus aliquis, qui etiam sine subjectione ad Ecclesiam in aliquibus infidelibus est, propter quem etiam Christiani ab Ecclesia pro certis casibus repelluntur, in illis tempore infidelitatis contrahatur, qui etiam suscepto Baptismō duret, ut est bigamia; & ob hunc ab Ecclesia à certis casibus repelluntur, ut dicemus *infrā*; quibus positis:

560. Quæstio est 1. an amentes, ac ebrij(durante statu amentiae, ac ebrietatis) ligentur legibus? Resp. eos excusari ab imputibili transgressione legis; cùm careant tunc usū rationis, necessariō ad liberum voluntatis exercitium morale; & ideo ex eadem ratione pueri ante usum rationis nullis legibus tenentur (consentur autem communiter habere usum rationis, completō septenniō; & in dubio, an tunc habeant? præsumitur affirmativa; quia hoc est ex communiter contingentibus) ex hoc sumitur ratio, eos, durante tali statu, nullis ligari legibus, saltem obligatione proximā. Nam hæc in taliter obligato supponit usum rationis expeditum, ad debitè deliberandum, sine quo nec formalis bonitas, nec malitia in actum refundi potest. Qualiter autem commissa in ebrietate imputari ad culpam possint, & debeant, quando rationis comp̄os prævidit ea in ebrietate securita, pluribus exposuimus *in tract. Theolog. de vitiis, & peccatis.*

561. Quæstio tamen altera est, an, & quibus legibus ligentur pueri adepto usū rationis, qui præsumitur adesse completō septenniō? Resp. teneri tunc legibus naturalibus, & divinis, immo etiam prius, si citius pollicerent usū rationis. Nam jus naturale, & divinum, debitè per cognitionem rationis intimatum, statim obligat; intellige, si reverā tunc adsit rectum judicium, quo dignoscant bonum à malo morali, ubi enim hoc abest, nec legis obligatio esse potest; de legibus autem positivis potissima quæstio est? sed idem de his dicendum, quod illis non obligentur *proxime*, ubi in re abest usus rationis, etiamsi essent septenniō maiores; quia tamen à jure usus rationis, completō septenniō, in illis præsumitur, ubi violarent legem Ecclesiæ, præsumerentur transgressores imputabiliter, hoc est, cum sci-

entia de obligatione; quæ tamen præsumptio, in foro poli (si talis puer affirmaret, se non intellexisse malum, vel saltem gravitatem ejus) cederet veritati, id, quod etiam in foro forigenendum est, ubi probaret notitiae debitæ defectum, quæ in hac ætate exigi non debet *tanta*; cùm reverā multi satis tardè orientem sibi solem videant super tanta malitiæ gravitate.

Quæstio est 3. an, si ante septennium

562. pollicerent usū rationis, tenerentur tunc legibus positivis? Joannes Sanchez *in select. D. 51 n. 31.* docet, non teneri, quia leges positivæ attendunt ad ea, quæ communiter contingunt, ut dicitur *L. non ad ea, ff. de legibus*, consequenter non est intentio Legislatoris obstringere subditum, ante *legale tempus*, quo *communiter* adest capacitas passiva obligationis, cuius defectus præstet naturale impedimentum legi, ad obligandum; quod verum iudico de legibus humanis; cùm ferri non debeant in incertum; quod tamen eveniret, humano iudice vix rectè pronuntiatio de transgressione scienter facta in ea ætate tenera.

Quæstio est 4. an pueri ligentur legibus Ecclesiasticis, post adeptum usū rationis, sed ante pubertatem? tametsi plurimum in hac quæstione varient Doctores, ut videri potest apud Castropalaum *p. 1 tr. 3. D. 1. p. 24. Q. 2. n. 4.* nec desint, qui hoc negent; verior tamen sententia est affirmativa, ubi lex Ecclesiastica non expressè determinat tempus, ante quod nolit septenniō maiores suis legibus obstringi; ita Thom. Sanch. *I. 1. c. 12. n. 6.* Suarez *tom. 4. p. 3. D. 36. f. 2. n. 3.* apud, & cum Castropal. *cit. n. 5.* Ratio est, quia omnes subditi, passim capaces alicuius obligationis, ex lege legitimè constituta, à subditis cognita, illâ obligantur, nisi excipiatur; sed pueri usus rationis habentes, completō septenniō, etiam ante pubertatem sunt subditi Ecclesiæ; & sunt passim capaces obligationis ex lege Ecclesiastica legitimè constituta; ergo illâ ligantur ante pubertatem, nisi excipiatur. Nam quædam sunt Ecclesiæ leges, ad quartum observantiam ipsa non obligat ante certum tempus, vel ab ipsa, vel à consuetudine legitimè recepta definitum, ut patet in lege jejunij, & alii, de quibus Theologi morales.

Ex dictis colliges, pueros, cùm pervernerint ad annos *discretionis*, teneri præcepto

cepto confessionis annuæ, de quo c. omnis utriusque sexus; nec excusari, nisi affirmando, discretionem perfectam ad illius observantiam non habere; id, quod relinquit prudenti judicio Parentum, Instrutorum, & cum primis Confessariorum, quorum est judicare de sufficienti maturitate judicij, ut hoc Sacramentum debite peragatur. Et ideo in cit. c. omnis utriusque (ubi etiam præcipitur habentibus annos discretionis sumptio S. Evcharistiae) prorogatio temporis remittitur Confessoris arbitrio; unde puer, etiam completò septennio, non tenebitur lege communicaendi, si prudentis Confessarii judicio præscriptum septennij tempus prorogetur; sic enim operabitur iuxta legitimam dictæ legis declarationem, sumptam ex judicio prudentium, & Ecclesiæ consuetudine recepta. Vix enim prudenter judicari potest universem, pueros etiam completò septennio habere discretionem tantam, ut reverenter Christi Corpus sumant.

365. Etsi autem judicio Confessoris pueris septennio majoribus prorogari possit tempus Communionis annuæ, alias Ecclesiæ præcepto debitæ; tamen in agone, si dolii sint capaces, & apti confiteri, recte tribuitur Sacra Communio; imo secundum multos, debet. Hinc valde probabiliter Castropalaus cit. (qui in prima parte nobiscum sentit n. 7.) in eodem docet, etiam annuæ communionis lege illos teneri, ubi annos discretionis habent, nisi expressè Confessor judicet, tempus prorogandum secundum dicta; quia si habent annos discretionis, sunt capaces passivæ obligationis.

366. Quæstio est 5. an pueri adepto rationis usu ante pubertatem ligentur legibus Ecclesiasticis etiam quoad penas & censuras? R. ante pubertatem non ligari, latus ab homine, ut habetur expressè in c. 1. de delictis puerorum, ubi, cùm Gregorius Pontifex dixisset, quosdam pueris grandiusculis nolle peccatum attribuere, nisi ab annis 14. cùm pubescere cœperint; negari tamen non posse, furta, mendacia, perfuria esse peccata, quibus plena sit puerilis ætas; in eis tamen non ita punienda esse, ut in majoribus; & in c. Referente, 2. eod. ibi: quoniam in pueris relinqui solet inultum, quod in alijs provectionis ætatis, humanæ leges dicunt severius corrigen-

dum: mandamus, quatenus, si confitebitur filium prædicti H. intra 14. ætatis suæ annum, eundem excessum commississe, memoratum Abbatem moneas, & compellas, ut ab eodem H. prædictos centum solidos propter illam consuetudinem non exigat, nec ab ipso pro temporali pena requirat; & hoc ex benigna mente Matris Ecclesiæ. sic Azor tom. 1. l. 7. c. 40. q. 6. Sanchez l. 1. decal. c. 12. n. 7. & alij.

Dixi latus ab homine. Nam ligari penitus, & censuris lati à jure communi, si dolii capaces sint, tenent complures cum Azor cit. c. 41. q. 10. Suarez tom. 5. de Censur. D. 5. S. 1. n. 19. cum alijs, fundantur in c. super eo; c. quamvis; c. pueris, de sent. excommunic. Castropalaus autem cit. p. 24. Q. 2. n. 9. censem, non ligari penitus, & censuris etiam lati à jure, excepta sola excommunicatione ipso jure latâ ob Clerici percussionem. Et hæc opinio videtur probabilior; quia cùm versemur in materia penali, & odiosa, tenendum est, quod dicitur in c. Pueris, 1. de delictis pueroru, ubi habetur: in pueris nondum puberibus delicta non ita, ut in majoribus, videri punienda; item c. Referente, 2. & fin. eod. ubi puer infra pubertatem, propter commissum homicidium, etiam à temporali penâ liberatur iussu Alexандri III. quoniam in pueris solet relinqui inultum, quod in alijs provectionis ætatis humanæ leges dicunt severius puniendum.

Nec obstant citati in contrarium canones. Nam in c. super eo, solum dicitur, impuberem, qui Clericum percussit, ab Episcopo absolviri posse; quia etas illum excusat; ubi gloss. V. Excusat, ait: non ab excommunicatione (quam incurab eo concedimus propter criminis gravitatem) sed quoad hoc, quod non sit mittendus ad Curiam pro absolutione. In c. quamvis solum dicitur, percussorem Clerici (propter hoc, quod percusso satisfaciat) non posse absolviri ab Episcopo, nisi in certis casibus ibidem expressis, quo casu (si laboret impedimentum temporali, quo minus Curiam pro absolutione accedat, jurare tenetur (exceptis pueris) se, impedimento cessante, ad Secdem Apostolicam accessurum.

Dicitur: exceptis pueris; nam in c. Pueris 60. de sent. excom. habetur, pueris, qui in canonem (nimurum de percusione Clerici) inciderunt sententiæ promulgatae, si ve

ne ante sive post pubertatem postulent se absolvī, posse Episcopū diacesanum absolutiōnis beneficium impertiri (non exigito illo juramento) quod propter defectum etatis, in qua fuit commissus excessus, rigor sit mansuetudine temperandus. Ex his patet non obstat canonis in contrarium adductos. Nam ex illis (collatis cum c. 1. & 2. de delictis puerorum, de quibus n. 566.) solum deducitur, impuberes propter delicta, in ea etate commissa, excusari a poenis, & censuris juris, excepta sola excommunicatione, de qua in illis canonibus sermo est, immo etiam a pluribus aliis, quae talis excommunicatione incursa post se trahit, quale est onus accedendi Romanam sedem pro absolutione ab excommunicatione; vel juramento, cessante impubertate, ut dictum est.

§. III.

Quā ratione teneantur lege, seu statuto locali forenses, & peregrini:

579. **S**Ex casus sunt, in quibus obligationem agnoscunt & communiter convenient Doctores in hac quæstione, ut notat Castropalaus p. 1. tr. 3. D. 1. p. 24. Q. 3. primus est, forensem teneri legibus locorum, cum accedit animo ibi figendi habitationem; sic enim sit incola, & sortitur ibi forum, ratione habitationis, *L. domicilium*, ff. ad municipalem. Secundus, iisdem loci legibus teneri forenses, qui veniunt ad locum animo majore parte anni ibi commorandi; quia sic habent *quasi domicilium* in tali loco. Hinc ratione *quasi domicilij* possunt in tali loco recipere omnia Sacra menta (Ordine excepto, c. cùm nullus, de temporibus ordinat. in 6.) Nam esto per hoc non consequantur domicilium in tali loco; tamem propter quasi domicilium (quod dicitur *affidua*, & *dinturna habitatio*) convenienti possunt, ut dicitur *L. 2. C. ubi Senatores*, ibi: & *affidua versatur*; & *L. 2. C. ubi de crimine agi oportet, juncta gloss. V. elegit*. Et ideo talis ibi mortuus, ibidem sepulturam habet, nisi alibi elegerit, ut docet Molina de just. tr. 2. D. 214. Tertius est, quod forenses, & peregrini teneantur ad leges locales in celebratione contractuum, c. *Dilecti*, & c. *fin. de foro compet.* & *L. quod si nolit*, Q. *quia affidua, de edilit. edict. L. si haeres ab-*

*sens. Q. si quis tutelas, ff. de judic. sed Thomas Sanchez tamen de matr. l. 3. D. 18. n. 10. & Suarez cum Salas excipit contractum dotalem, volens debere in hoc attendi locum, ubi Vir habet domicilium, propter *L. exigere*, ff. de judic. ubi dicitur, mulier debet (intellige, exigere) ubi maritus habet domicilium, non ubi instrumentum dotale scriptum est: at exceptionem negat Castropalaus cit. §. 3. n. 4. quia aliud est, *dotis exactionem*, ac repetitionem fieri debere in loco, ubi Vir domicilium habet, quia bona Viri obligata sunt doti solvendæ; aliud *contractum de dote* debere celebrari juxta leges loci, ubi Vir domicilium habet. Primum dicitur in c. *L. exigere*; at non secundum. Quartus est, peregrinum teneri legibus loci, quæ transfit, si tales etiam sint in loco sui domicilij secundum habitationem; quia sic non plus gravatur, quam si esset domi. Sanchez de matr. l. 3. D. 18. n. 3. & 24. Quintus, peregrinum teneri legibus loci, latis ob commune bonum illius loci, v. g. ne advena ultra certos dies ibi moretur &c. Sanchez l. 1. in decal. c. 12. n. 36. alias enim ejus inquilini non haberent justam, ac sibi debitam defensionem: sed quoad hoc non æquæ Doctores convenient, ut patebit ex seqq. Sextus, peregrinum teneri legibus communibus in loco, ubi vigent; esto in loco sui domicilij non sint in vigore ob consuetudinem contraria; ita Suarez tom. 1. de Relig. l. 2. c. 14. n. 17. & 28. quia sic subest Legislatori, & consuetudo contraria illi solum favet favore locali, scilicet sui oppidi, vel civitatis; cum non egreditur territorium: his præmissis:*

Quæstio est, an forenses, & peregrini, 571. extra prædictos sex casus, teneantur statutis, & municipali lege locorum, per quæ transeunt? affirmativam sequitur Castropalaus tr. 3. D. 1. p. 24. Q. 3. n. 11. extendens opinionem suam etiam ad vim coactivam, eo quod hoc pertineat ad pacem, & tranquilitatem communem talis loci; fatetur tamen etiam esse probabilem negativam, quam tenet Sanchez l. 3. matrimonij, D. 18. n. 6. Lessius l. 4. de just. c. 2. dub. 7. n. 49. & plurimi alij. Ratio negantium fundatur potissimum in eo, quod lege locali, seu municipal non ligetur nisi subditus; peregrinus autem, & forensis, solum transiens, aut modicum